

Bwrdd Iechyd Prifysgol Bae Abertawe

Heb eu cadarnhau

Cofnodion Cyfarfod y Bwrdd Iechyd a gynhaliwyd ar 29 Gorffennaf am 11.45am drwy Zoom

Yn bresennol:

Emma Woollett	Cadeirydd
Mark Hackett	Prif Weithredwr
Steve Spill	Is-gadeirydd
Andrew Jarrett	Aelod Cyswllt o'r Bwrdd
Christine Morrell	Cyfarwyddwr Dros Dro ar gyfer Therapiau a Gwyddor Iechyd
Christine Williams	Cyfarwyddwr Dros Dro ar gyfer Nyrsio a Phrofiad y Claf
Darren Griffiths	Cyfarwyddwr Cyllid Dros Dro
Jackie Davies	Aelod Annibynnol
Keith Reid	Cyfarwyddwr Iechyd y Cyhoedd
Maggie Berry	Aelod Annibynnol
Mark Child	Aelod Annibynnol
Martyn Waygood	Aelod Annibynnol
Nuria Zolle	Aelod Annibynnol
Reena Owen	Aelod Annibynnol
Richard Evans	Cyfarwyddwr Meddygol Gweithredol
Siân Harrop-Griffiths	Cyfarwyddwr Strategaeth
Tom Crick	Aelod Annibynnol

Yn bresennol hefyd:

Matt John	Cyfarwyddwr Digidol
Mwoyo Makuto	Cyngor Iechyd Cymuned
Nick Samuels	Cyfarwyddwr Cyfathrebu Dros Dro
Pam Wenger	Cyfarwyddwr Llywodraethu Corfforaethol
Rab McEwan	Prif Swyddog Gweithredu Dros Dro
Sue Evans	Cyngor Iechyd Cymuned
Liz Stauber	Pennaeth Llywodraethu Corfforaethol
Alan Jones	Arolygiaeth Gofal Iechyd Cymru
Scott Howe	Arolygiaeth Gofal Iechyd Cymru

Rhif Cofnod		Cam Gweithredu
176/21	CROESO A CHYFLWYNIADAU	

	Croesawodd Emma Woollett bawb i'r cyfarfod, gan nodi bod ymddiheuriadau wedi'u derbyn gan Alison Stokes, Aelod Cyswllt o'r Bwrdd.	
177/21	DATGAN BUDDIANNAU	
	Ni ddatganwyd unrhyw fuddiannau	
178/21	STORI CLAF	
	Derbyniwyd stori gan glaf. Roedd y stori'n nodi profiad Annabel a'i theulu wrth iddi gael triniaeth ar gyfer cancer terfynol y stumog. Canolbwyntiwyd yn benodol ar gyfathrebu gwael a sut na roddwyd gwybod i'r teulu am wahanol elfennau o'i gofal na'i chyflwr, yn enwedig y ffaith ei bod wedi datblygu haint a ddaliwyd yn yr ysbyty. Roedd hyn yn golygu ei bod yn eistedd gyda chleifion eraill yn ystod cemothapi, gan eu rhoi mewn perygl o bosibl. Nododd y stori hefyd fod tiwb mewnwythiennol wedi'i ollwng ar y llawr cyn ei roi ynddi. Soniodd y teulu am eu rhyddhad pan dderbyniwyd Annabel i Dŷ Olwen, yr hosbis gofal lliniarol, gan y gallent dreulio amser gyda'i gilydd cyn iddi farw. Wrth drafod stori'r claf, codwyd y pwyntiau canlynol: Dywedodd Christine Williams ei bod wedi cyfarfod ag Annabel cyn iddi farw, ac â'i gŵr wedi hynny, a'r hyn oedd yn allweddol iddyn nhw oedd bod y bwrdd iechyd wedi dysgu o'r profiadau. Nid oedd y safonau gofal wedi bod ar lefel briodol, a datblygwyd hyfforddiant mewn ymateb i hyn. Cymerwyd camau hefyd mewn perthynas â'r nyrs asiantaeth dan sylw. Rhannwyd y dysgu'n eang ac roedd y stori hon yn arbennig o bwerus gan ei bod yn darparu safbwynt y teulu, gan dynnu sylw at bwysigrwydd cyfathrebu yn ogystal ag ansawdd y gofal. Nododd Christine Williams y gwaith sy'n cael ei wneud yn y bwrdd iechyd i wella cyfraddau'r heintiau sy'n cael eu dal wrth dderbyn gofal iechyd. Mae'r rhain yn flaenoriaeth ansawdd yn y cynllun blynyddol, gyda ffocws penodol ar ragnodi gwrth-ficrobaidd, yn enwedig o fewn gofal sylfaenol. Roedd y perfformiad hyd yma wedi bod yn destun pryder, ond roedd hyder y byddai'n gwella dros y chwe mis nesaf yn sgil y buddsoddiad arfaethedig. Roedd pob bwrdd iechyd wedi gweld cynnydd yn yr heintiau a ddaliwyd wrth dderbyn gofal iechyd, ac roedd gwaith yn cael ei wneud yn genedlaethol i benderfynu a oedd hyn yn gysylltiedig â Covid-19, heintiau anadlol neu ragnodi gwrthfotigau yn ystod y pandemig. Roedd cynllun manwl ar wella	

	cyfraddau'r heintiau ar agenda'r Pwyllgor Ansawdd a Diogelwch nesaf. Ychwanegodd Richard Evans fod cydweithwyr o fewn gofal sylfaenol yn adolygu pa wrthfotigau oedd yn cael eu defnyddio i sicrhau bod y dewisiadau cywir yn cael eu gwneud. Mewn perthynas â gwrthfotigau yn yr ysbyty, roedd prosesau'n cael eu sefydlu i sicrhau bod gwrthfotigau mewnwythiennol yn cael eu rhoi drwy'r geg yn lle hynny, cyn gynted ag y bo'n briodol. Dywedodd Richard Evans nad oedd y methiannau yn stori'r claf yn gymhleth a'i bod yn bwysig i staff ddeall bod dyletswydd arnynt i gydymffurfio â chanllawiau sylfaenol. Holodd Mwoyo Makuto pa brosesau oedd gan y bwrdd iechyd i annog cleifion i herio diffyg cydymffurfiaeth staff â gweithdrefnau rheoli heintiau. Mewn ymateb dywedodd Christine Williams, er nad oedd unrhyw beth penodol yn ei le, fod hysbysiadau ar waith yn hyrwyddo 'Gweithio i Wella' ac yn annog cleifion i siarad â staff am bryderon. Roedd y Gwasanaeth Cyngor a Chyswllt Cleifion (PALS) hefyd yn bresennol yn rheolaidd ar y wardiau. Cytunodd, fodd bynnag, bod angen mwy o waith i rymuso cleifion ar hyn o bryd. Dywedodd Pam Wenger y byddai gweithredu'r Mesur Dyletswydd Gonestrwydd ac Ansawdd yn cefnogi hyn. Cytunodd Emma Woollett, gan ychwanegu bod angen i bob claf deimlo'n hyderus i godi eu llais a chael eu clywed. Dylai rhan o'r hyfforddiant gynnwys sut roedd staff yn siarad â chleifion am yr hyn maent yn ei wneud. Cytunwyd y dylid mynd â hyn trwy'r Pwyllgor Ansawdd a Diogelwch. CAM GWEITHREDU – Cyfarwyddwr Llywodraethu Corfforaethol i fynd â'r cynlluniau ar gyfer gweithredu'r Mesur Dyletswydd Gonestrwydd ac Ansawdd trwy'r Pwyllgor Ansawdd a Diogelwch i gytuno ar anghenion hyfforddi.	PW
179/21	COFNODION Y CYFARFOD BLAENOROL	
	Derbyniwyd a chadarnhawyd cofnodion y cyfarfodydd a gynhaliwyd ar 27 Mai 2021, 7 Mehefin 2021, 23 Mehefin 2021, 15 Gorffennaf 2021 (cyfarfod cyffredinol blynyddol) a 22 Gorffennaf 2021 fel cofnodion gwir a chywir.	
180/21	MATERION YN CODI	
	Nid oedd unrhyw faterion yn codi nad oeddent fel arall ar yr agenda.	
181/21	COFNOD GWEITHREDU	

	Derbyniwyd a nodwyd y cofnod gweithredu a darparwyd y diweddariad canlynol: (i) <u>Cam Gweithredu Un</u> Dywedodd Mark Hackett y byddai'r adolygiad o gyd-ddibyniaethau anhysbys ar gyfalaf neu newidiadau annisgwyl i brosiectau a nodir yn y cynllun blynyddol yn cael eu darparu erbyn diwedd Awst 2021. Ychwanegodd Siân Harrop-Griffiths fod yr adolygiad cychwynnol wedi dod i ben ac nad oedd unrhyw broblemau amlwg. (i) <u>Cam Gweithredu Dau</u> Dywedodd Pam Wenger fod cyfarfod gyda Chadeirydd a/neu Is-gadeirydd y Grŵp Cyfeirio Rhanddeiliaid i drafod hygrychedd papurau wrthi'n cael ei drefnu.	PW
182/21	ADRODDIAD Y CADEIRYDD	
	Derbyniwyd diweddariad llafar gan y Cadeirydd am weithgareddau diweddar. Wrth gyflwyno'r diweddariad, tynnodd Emma Woollett sylw at y pwyntiau canlynol: - Roedd recriwtio ar y gweill ar gyfer yr aelod cyllid annibynnol ac roedd cyfweiliadau wedi'u hamserlennu ar gyfer Medi 2021; - Roedd nifer y cofnodion yr oedd angen eu cymeradwyo yn y cyfarfod hwn yn pwysleisio faint o faterion roedd y Bwrdd yn ymdrin â nhw ar hyn o bryd; - Cofnodwyd diolchiadau i bawb a fu'n ymwneud â datblygu'r cynllun blynyddol a gymeradwywyd ym mis Mehefin 2021. Byddai hon yn ddogfen bwysig i'r sefydliad; - Bu'n fraint agor y ganolfan fioffilig newydd yn Ysbyty Treforys, sy'n darparu man gwyrdd i gleifion a staff dreulio amser ynddo.	
Penderfyniad:	Dylid nod i'r adroddiad.	
183/21	ADRODDIAD Y PRIF WEITHREDWR	
	Derbyniwyd adroddiad gan y Prif Weithredwr am weithgareddau diweddar.	

	Wrth gyflwyno'r adroddiad, tynnodd Mark Hackett sylw at y pwyntiau canlynol: Roedd y rhaglen ymgysylltu, 'Newid ar gyfer y Dyfodol', bellach ar waith; Roedd ymgysylltu hefyd wedi cychwyn ar y cynlluniau ar gyfer gwasanaethau iechyd meddwl pobl hŷn. Byddai hyn yn golygu buddsoddiad i wneud gwasanaethau'n fwy teg i'r rhai sydd fwyaf agored i niwed; Roedd ffocws yn cael ei roi ar ddatblygu rhaglen arweinyddiaeth i symud y cynllun blynyddol yn ei flaen; Byddai taflwybrau clir ar gyfer gofal wedi'i gynllunio yn cael eu sefydlu ym mis Medi 2021 a byddai cynlluniau i greu capasiti theatr ychwanegol yn ysbytai Castell-nedd Port Talbot a Singleton yn cael eu symud yn eu blaen; Disgwyliwyd adborth gan Lywodraeth Cymru ar y cynigion i ddatblygu canolfan orthopedig yn Ysbyty Castell-nedd Port Talbot; Roedd achos hefyd wedi'i gyflwyno dros wasanaethau gofal lliniarol a fyddai'n gwneud y bwrdd iechyd yn arweinydd yn y DU; Roedd cynlluniau misol manwl wrthi'n cael eu datblygu ar gyfer gwella perfformiad mewn gwasanaethau wedi'u cynllunio, gwasanaethau brys ac argyfwng a gwasanaethau canser; Bu'n dda gweld y gwelliannau o fewn cyfiawnder ieuenctid. Wrth drafod yr adroddiad, nododd Mwoyo Makuto, er bod y cyngor iechyd cymuned wedi bod yn poeni am y cynlluniau ehangu ar gyfer Orthopedeg, ei fod yn fodlon bod y newidiadau hyn yn ymwneud â materion a godwyd gan gleifion a'r cyhoedd. Ychwanegodd fod y cyngor iechyd cymuned wedi gwneud darn o waith mewn perthynas â gwasanaethau orthopedig; byddai'r canfyddiadau'n cael eu rhannu maes o law, ac roedd yn darparu cyd-destun tebyg i'r achos dros newid.	
Penderfyniad:	Dylid nodi'r adroddiad.	
184/21	FFRAMWAITH SICRWYDD Y BWRDD	
	Derbyniwyd adroddiad yn nodi'r iteriad diweddaraf ar gyfer fframwaith sicrwydd y bwrdd.	

	Wrth gyflwyno'r adroddiad, tynnodd Pam Wenger sylw at y pwyntiau canlynol: - Roedd bylchau o fewn rheolaeth a sicrwydd o hyd ac roedd gwaith yn mynd rhagddo gyda'r tîm gweithredol i fynd i'r afael â'r rhain; - Er bod y fframwaith ar hyn o bryd yn canolbwyntio ar amcanion corfforaethol y Bwrdd, gallai fod yn werth integreiddio strategaethau cenedlaethol. Wrth drafod yr adroddiad, codwyd y pwyntiau canlynol: Rhoddodd Nuria Zolle sicrwydd bod y ddogfen wedi'i hystyried yn fanwl gan y Pwyllgor Archwilio ac roedd yr aelodau'n fodlon y byddai'r fframwaith yn cael ei addasu wrth iddo gael ei ddefnyddio. Holodd ble y byddai materion cenedlaethol fel cydgynhyrchu, Cymru Iachach a gofal iechyd darbodus yn ffactor. Dywedodd Pam Wenger y byddai'r rhain yn cael eu hymgorffori fel rhan o'r gwaith yn chwarter dau. Dywedodd Reena Owen ei bod yn braf gweld bod iechyd y boblogaeth yn cael ei ymgorffori ond bod angen cymryd camau mwy diffiniol. Cytunodd Keith Reid, ond ychwanegodd fod angen ystyried sut i drefnu swyddogion gweithredol yn briodol i fwrw ymlaen â'r gwaith. Er y gallai gynghori ar sut i fynd i'r afael ag iechyd y boblogaeth ac anghydraddoldebau, mater i gydweithwyr fyddai gweithredu, a hynny drwy eu portffolios. Y man cychwyn oedd sefydlu grŵp iechyd y boblogaeth a fyddai'n adrodd i'r Bwrdd Rheoli. Byddai'n allweddol gweithio mewn partneriaeth, a byddai hefyd yn allweddol cymryd agwedd ataliol gan edrych ar feysydd fel tai, maeth a'r amgylchedd. Dywedodd Mark Hackett fod datblygu strategaeth iechyd y boblogaeth yn un o amcanion y cynllun blynyddol. Roedd gwaith ar hyn wedi cychwyn, gyda'r bwriad o'i orffen dros yr haf. Yna byddai trafodaethau pellach yn cael eu cynnal gyda'r tîm gweithredol am y rolau i gyflawni'r strategaeth a sut y byddai hyn yn gysylltiedig â'r cynllun blynyddol. Dywedodd Martyn Waygood y byddai'n fuddiol diweddaru'r fframwaith wedi i'r llinellau amser ddod i ben er mwyn dangos beth fyddai wedi'i gyflawni erbyn hynny a'r dyddiadau cwblhau tebygol. Cyfeiriodd Martyn Waygood at y targed i ddatblygu dangosfyrddau'r wardiau erbyn diwedd 2021 a holodd am y cynnydd gyda hyn. Gofynnodd hefyd am ddiweddariad mewn perthynas â'r ap 'AskmyGP' gan nad oedd pob practis yn defnyddio'r system hon ar hyn o bryd. Ymatebodd Matt John fod gwaith yn mynd rhagddo i ddatblygu dangosfyrddau'r wardiau a bod angen mawr am wybodaeth ar draws y bwrdd iechyd. Roedd partneriaid gwybodaeth	
--	--	--

	busnes yn y broses o gael eu recriwtio i gynorthwyo'r grwpiau gwasanaeth. O ran 'AskmyGP', bu lefel y gweithredu'n rhagorol, gydag un practis meddyg teulu'n nodi cynnydd o 30% mewn effeithlonrwydd. Fodd bynnag, gan fod meddygon teulu'n gcontractwyr annibynnol, ni allai'r bwrdd iechyd eu cyfarwyddo i weithredu'r system; gallai ddim ond eu hannog i wneud hynny. Holodd Emma Woollett a fu adborth cleifion am 'AskmyGP' yn gadarnhaol. Cadarnhaodd Rab McEwan ei fod yn gadarnhaol, ond y bu cynnydd amlwg yn y cleifion sydd eisiau ymgynghoriadau wyneb yn wyneb. O ystyried mai hwn yw'r opsiwn y mae'r bwrdd iechyd yn ei ffafrio, mae mwy o waith i'w wneud gyda chlystyrau fel grwpiau i gynyddu'r nifer sy'n defnyddio'r system. Gofynnodd Emma Woollett am ddiweddariad i'r Pwyllgor Ansawdd a Diogelwch am y nifer sy'n defnyddio'r gwasanaeth 'AskmyGP' a'r cynllun i wella hyn, yn ogystal â diweddariad am fynediad at wasanaethau gofal sylfaenol yn fwy cyffredinol. CAM GWEITHREDU - Y Pwyllgor Ansawdd a Diogelwch i dderbyn diweddariad ar y nifer sy'n derbyn 'AskmyGP' a'r cynllun i wella hyn, yn ogystal â diweddariad ar fynediad at wasanaethau gofal sylfaenol yn fwy cyffredinol. Dywedodd Mwoyo Makuto fod y cyngor iechyd cymuned wedi cynnal arolwg i geisio barn cleifion am 'AskmyGP', a bod 400 o ymatebion wedi dod i law. Roedd rhai ymatebwyr wedi cwestiynu pam nad oedd eu practis yn ei ddefnyddio ac roedd eraill wedi nodi mai dim ond am 20 munud y dydd yr oedd ar gael yn hytrach na'r 24/7 a gafwyd o'r blaen, gan fod meddygon teulu'n cael trafferth gyda'r galw. Dywedodd Mark Hackett y byddai'n fuddiol cael syniad o'r defnydd tebygol o 'AskmyGP' dros y 12 mis nesaf gan fod modd cymryd camau i annog pobl i'w ddefnyddio, er enghraifft ei gynnwys mewn contractau gwasanaeth meddygol cyffredinol newydd. Roedd gwaith yn cael ei wneud ar hyn o bryd gan dîm y Prif Swyddog Gweithredol mewn perthynas â chynghor, arweiniad a brysbennu er mwyn i'r pum arbenigedd sydd â'r amseroedd aros uchaf symud tuag at rôl fwy digidol. Dywedodd Pam Wenger y byddai'r drafodaeth yn llywio sut y gellid datblygu fframwaith sicrwydd y bwrdd ar gyfer chwarter dau, gan gynnwys diweddarau amserlenni. Y cam nesaf fyddai mynd â'r ddogfen trwy'r pwyllgorau yn ogystal â gweithio gyda'r tîm gweithredol i fireinio'r bylchau. Cytunodd Emma Woollett, gan ychwanegu y byddai angen mwy o sicrwydd o ran iechyd y boblogaeth, gofal brys ac argyfwng a gofal wedi'i gynllunio.	RM
--	---	-----------

Penderfyniad:	- Dylid nodi'r adroddiad; - Y Pwyllgor Ansawdd a Diogelwch i dderbyn diweddariad ar y nifer sy'n defnyddio 'AskmyGP' a'r cynllun i wella hyn, yn ogystal â diweddariad ar fynediad at wasanaethau gofal sylfaenol yn fwy cyffredinol.	RM
185/21	COFRESTR RISG Y BWRDD IECHYD	
	Derbyniwyd cofrestr risg y bwrdd iechyd ar gyfer chwarter un. Wrth gyflwyno'r adroddiad, tynnodd Christine Williams sylw at y pwyntiau canlynol: - Roedd rheoli risg wedi symud o'r Cyfarwyddwr Llywodraethu Corfforaethol i'r Cyfarwyddwr Dros Dro ar gyfer Nyrsio a Phrofiad y Claf, gyda chymorth gan y Cyfarwyddwr Llywodraethu Corfforaethol; - O'r 38 risg a gofnodwyd, roedd 20 ohonynt yn uwch na lefel y parodrwyd i dderbyn risg, sef lefel 20; - Roedd cyfarfodydd yn cael eu cynnal gyda chyfarwyddwyr gweithredol i adolygu eu risgiau a'r cynnydd yn erbyn y rhain, gydag opsiwn i gwrdd â chyfarwyddwyr y grwpiau gwasanaeth hefyd; - Roedd y Prif Weithredwr wedi gofyn am adolygiad o'r pum risg uchaf i sicrhau bod y camau lliniaru'n ddigon i ddad-ddwysau'r risgiau. Wrth drafod yr adroddiad, codwyd y pwyntiau canlynol: Cyfeiriodd Mark Child at y risg yn ymwneud â'r anallu i drosglwyddo cleifion o'u cartrefi i'r gymuned, gan ychwanegu y bu hyn yn destun trafodaeth sylweddol yn y Pwyllgor Perfformiad a Chyllid. Nododd nad oedd unrhyw gamau lliniaru wedi'u cynnwys yn y gofrestr. Holodd beth ellid ei wneud, ac a ddylai'r sgôr risg fod yn uwch. Ymatebodd Rab McEwan fod camau lliniaru ar waith ond bod y sefyllfa'n newid yn barhaus. Ychwanegodd fod sesiwn i fod i gael ei chynnal gyda'r tîm risg i drafod y sgôr risg. Cydnabu Mark Child fod y capasiti yn y cartrefi gofal ac ar gyfer gofal yn y cartref yn isel, a bod hyn yn effeithio ar nifer y cleifion y gellid eu rhyddhau. Ond tynnodd sylw at y ffaith fod yna gamau y gellid eu cymryd yn fewnol a fyddai hefyd o gymorth. Cytunodd Rab McEwan, gan ychwanegu bod nifer o fentrau'n cael eu gweithredu. Mae'r mentrau hyn yn cynnwys cynlluniau i leihau hyd arosiadau yn yr ysbyty ac i gael gwasanaethau gofal dydd o fewn gofal brys ac argyfwng, er mwyn	

	lleihau niferoedd y cleifion sydd angen cael eu derbyn i'r ysbyty. Roedd gwaith hefyd yn mynd rhagddo gyda'r awdurdodau lleol i liniaru'r risgiau. Awgrymodd Emma Woollett y dylid derbyn adroddiad ar y rhain yn y Pwyllgor Perfformiad a Chyllid nesaf. Cytunodd Reena Owen fel cadeirydd, gan ychwanegu bod yr aelodau'n cydnabod ei bod yn her genedlaethol. Dywedodd Richard Evans fod y pwysau ar yr adrannau brys yn fater cenedlaethol a oedd yn effeithio ar nifer y cleifion sy'n ddigon iach yn feddygol i gael eu rhyddhau o'r ysbyty. Dywedodd fod angen i'r bwrdd iechyd allu darparu gofal yn y lleoedd a oedd yn addas i gleifion, yn hytrach na'u bod yn gorfod cael eu derbyn i'r ysbyty. CAM GWEITHREDU – adroddiad i'w dderbyn yng nghyfarfod y Pwyllgor Perfformiad a Diogelwch ym mis Awst, yn amlinellu camau lliniaru i wella nifer y cleifion sy'n ddigon iach yn feddygol i'w rhyddhau o'r ysbyty. CAM GWEITHREDU – y Cadeirydd, yr Is-gadeirydd a'r Prif Weithredwr i godi, ar lefel genedlaethol, y problemau ynghylch cleifion sy'n ddigon iach yn feddygol i'w rhyddhau o'r ysbyty. Cyfeiriodd Martyn Waygood at y risg yn ymwneud ag asesiadau twf y ffetws a rhoddodd sicrwydd bod y Pwyllgor Ansawdd a Diogelwch wedi bod yn monitro hyn ers cryn amser. Ychwanegodd fod nifer o risgiau'n bodoli, yn cynnwys cyflwyno achos busnes fel cam lliniaru, a nododd y byddai'n fuddiol, wrth symud ymlaen, i gynnwys y llinellau amser ar gyfer y rhain. Dywedodd Mark Hackett fod angen penderfynu ai symptom neu achos oedd niferoedd y cleifion sy'n ddigon iach yn feddygol i'w rhyddhau o'r ysbyty. Cydnabuwyd bod cleifion yn aros yn yr ysbyty am gyfnod rhy hir, gyda nifer sylweddol yn aros am bethau y gallai gofal iechyd eu darparu. Roedd y Bwrdd Rheoli'n ystyried pa gamau pellach roedd eu hangen yn ystod chwarter dau, gan gynnwys sut i gymryd mwy o risg. Roedd ystyriaeth hefyd yn cael ei rhoi i sut y gellid defnyddio gallu'r bwrdd iechyd i recriwtio er mwyn helpu partneriaid iechyd a gofal cymdeithasol yn y tymor byr.	RM EW/MH/SS
Penderfyniad:	- Dylid nodi'r adroddiad; - O ran y paraodrwydd i dderbyn risg, dylid cymeradwyo i barhau ag 20 fel y terfyn; - Adroddiad i'w dderbyn ym Mhwyllgor Perfformiad a Diogelwch mis Awst, yn amlinellu camau lliniaru i wella nifer y cleifion sy'n ddigon iach yn feddygol i'w rhyddhau o'r ysbyty;	RM EW/MH

	- Y Cadeirydd, yr Is-gadeirydd a'r Prif Weithredwr i godi, ar lefel genedlaethol, y problemau'n ymwneud â chleifion sy'n ddigon iach yn feddygol i'w rhyddhau o'r ysbyty.	SS
186/21	NEWID YN NHREFN YR AGENDA	
	Penderfynwyd y byddai'r agenda'n newid a bod eitem 2.4 yn dod nesaf.	
187/21	ADRODDIAD BLYNYDDOL AROLYGIAETH GOFAL IECHYD CYMRU	
	Derbyniwyd yr adroddiad blynyddol gan Arolygiaeth Gofal Iechyd Cymru (AGIC). Wrth gyflwyno'r adroddiad, tynnodd Scott Howe sylw at y pwyntiau canlynol: - Yn genedlaethol, canfu AGIC y bu safon dda o ofal mewn cyfnod o newidiadau digynsail; - Yn ystod y flwyddyn, roedd un practis meddyg teulu, pum ysbyty a thri ysbyty iechyd meddwl yn y bwrdd iechyd wedi cael gwiriad ansawdd; - Nodwyd meysydd o arfer da, yn ogystal â rhai yr oedd angen eu gwella, a themâu cyffredin. Wrth drafod yr adroddiad, codwyd y pwyntiau canlynol: Ailadroddodd Christine Williams y bu'n 12 mis heriol a chydabu'r newid yn y dull a gymerwyd gan AGIC oherwydd y pandemig. Bu'r adborth gan staff yn gadarnhaol. Roedd cynlluniau gweithredu wedi'u datblygu i fwrw ymlaen â'r gwelliannau ac roedd y rhain yn cael eu rheoli gan y Grŵp Llywodraethu Diogelwch Ansawdd. Nododd Mark Hackett y canfyddiadau'n ymwneud â chwympiadau a phwyntiau clymu a holodd pa gamau penodol sy'n cael eu cymryd. Dywedodd Christine Williams y bu'r cynnydd mewn cwympiadau'n amlwg am nad oedd staff ar gael ond roedd gwelliant eisoes i'w weld nawr bod mwy'n dychwelyd i'r gwaith. Roedd cwympiadau'n flaenoriaeth ansawdd ar gyfer 2021-22 a rhannwyd diweddariadau ar gynnydd ag AGIC. O ran pwyntiau clymu, roedd y Cyfarwyddwr Cynorthwyol ar gyfer Iechyd a Diogelwch wedi adolygu'r rhain ar gyfer y cyfleusterau iechyd meddwl a'r adran achosion brys ac roedd cynllun gwella'n cael ei ddatblygu.	

	Nododd Reena Owen y bu 1,000 o alwadau o bryder a gofynnodd am eglurder am y rhesymau dros y rhain. Ymatebodd Scott Howe fod y materion yn amrywio ac roedd rhai'n cynnwys cwynion a fyddai'n cael eu hailgyfeirio i'r cyngor iechyd cymuned perthnasol neu i'r broses 'Gweithio i Wella'. Roedd eraill yn chwilio am gyngor ac nid oedd rhai'n gysylltiedig â gofal iechyd. Ychwanegodd Alan Jones y byddai AGIC, cyn Covid-19, yn arfer derbyn tua 350 o gwynion y flwyddyn am wasanaethau iechyd a bod hyn wedi cynyddu i 450. Byddai cyfran o'r rhain yn briodol i'w hailgyfeirio i'r sefydliad perthnasol i'w rheoli ond roedd rhai chwythwyr chwiban a fyddai cael eu rheoli gan AGIC. Wrth gloi'r drafodaeth, diolchodd Alan Jones i'r bwrdd iechyd am ei ymateb i'r adroddiad cenedlaethol ar ganolfannau brechu torfol. Gan nad oedd pob canolfan wedi'u harchwilio, rhannwyd crynodeb o'r canfyddiadau a'r argymhellion gyda holl sefydliadau GIG Cymru. Er bod y bwrdd iechyd yn un o'r rhai na chafodd ei archwilio, anfonwyd ymateb i'r adroddiad i amlinellu pa gamau roedd yn eu cymryd.	
Penderfyniad:	Dylid nodi'r adroddiad.	
188/21	MATERION ALLWEDDOL PWYLLGORAU'R BWRDD	
	(i) <u>Cyd-bwyllgor ar gyfer y Pwyllgor Ansawdd a Diogelwch a'r Pwyllgor Perfformiad a Chyllid</u> Derbyniwyd a nodwyd adroddiad yn nodi trafodaethau allweddol y cyfarfod ar y cyd a gynhaliwyd yn ddiweddar rhwng y pwyllgor Ansawdd a Diogelwch a'r pwyllgor Perfformiad a Chyllid. Rhoddodd Mark Hackett sicrwydd bod y Bwrdd Rheoli wedi cytuno ar gynllun adfer canser ar gyfer y chwe arbenigedd â'r amseroedd aros hiraf. Dyrannwyd £1.5m yn y cynllun blynyddol ar gyfer y gwaith, gyda'r nod o gyflawni'r targed o 85% ar gyfer y llwybr canser sengl. (ii) <u>Pwyllgor Ansawdd a Diogelwch</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Ansawdd a Diogelwch. Dywedodd Steve Spill fod yr adroddiad rheoli heintiau yn y cyfarfod yn gynharach yr wythnos honno wedi tynnu sylw at yr heriau parhaus mewn perthynas â <i>clostridium difficile</i>. Cafodd nifer o gamau eu cynnwys yn yr adroddiad a oedd wedi'u cynnwys ar log gweithredu'r pwyllgor er mwyn monitro cynnydd. (iii) <u>Pwyllgor Perfformiad a Chyllid</u>	

	Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Perfformiad a Chyllid. (iv) <u>Pwyllgor y Gweithlu a Datblygu Sefydliadol</u> Derbyniwyd a nodwyd adroddiad yn nodi trafodaethau allweddol cyfarfod diweddar Pwyllgor y Gweithlu a Datblygu Sefydliadol. (v) <u>Pwyllgor Archwilio</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Archwilio. (vi) <u>Pwyllgor Iechyd a Diogelwch</u> Derbyniwyd a nodwyd adroddiad yn nodi trafodaethau allweddol cyfarfod diweddar y Pwyllgor Iechyd a Diogelwch.	
189/21	CYNNYDD O RAN BLAENORIAETHAU'R CYNLLUN BLYNYDDOL YN CHWARTER UN A CHYTUNO AR FLAENORIAETHAU AR GYFER CHWARTER DAU	
	Derbyniwyd adroddiad yn nodi'r cynnydd a wnaed o ran blaenoriaethau'r cynllun blynyddol ar gyfer chwarter un ac er mwyn cytuno ar y blaenoriaethau ar gyfer chwarter dau. Wrth gyflwyno'r adroddiad, tynnodd Siân Harrop-Griffiths sylw at y pwyntiau canlynol: - Roedd y cynllun blynyddol wedi'i gymeradwyo gan y Bwrdd ym mis Mehefin 2021, ond roedd y gwaith o weithredu'r nodau, y dulliau a'r canlyniadau wedi cychwyn ym mis Ebrill 2021; - Roedd gwaith yn digwydd gyda gwasanaethau digidol i ddatblygu ffyrdd o fesur cynnydd; - Roedd swyddfa rheoli rhaglenni bellach yn ei le i gefnogi'r gwaith o weithredu'r cynllun. Wrth drafod yr adroddiad, codwyd y pwyntiau canlynol: Holodd Nuria Zolle sut y byddai aelodau annibynnol yn cael gwybod am y datblygiadau o ran cynnydd. Dywedodd Siân Harrop-Griffiths y byddai adroddiadau manwl yn cael eu darparu i'r Pwyllgor Perfformiad a Chyllid ar gyfer elfennau allweddol, gan ddechrau gyda'r cynlluniau 100 diwrnod ar gyfer gofal wedi'i gynllunio a gofal brys ac argyfwng. Ychwanegodd Darren Griffiths mai'r hyn a wnaed cyn Covid oedd fod taflwybrau ar gyfer y cynllun blynyddol yn cael eu cynnwys yn yr adroddiad perfformiad. Cytunwyd y byddai'r un dull yn cael ei ddefnyddio gyda'r rhain.	

	Gofynnodd Reena Owen am eglurder am ba gamau a fyddai'n cael eu cymryd i ddod â meysydd nad oeddent yn cyflawni yn ôl ar y trywydd iawn. Ymatebodd Siân Harrop-Griffiths y byddai adroddiad chwarter dau'n cynnwys diweddariad am y camau a oedd wedi llithro yn chwarter un.	
Penderfyniad:	- Dylid nodi'r adroddiad; - Dylid cymeradwyo'r blaenoriaethau a nodwyd ar gyfer chwarter dau; - Dylid cymeradwyo'r risgiau allweddol a allai atal gwaith rhag cael ei gyflawni.	
190/21	CYNNYDD I DDATBLYGU'R CYNLLUN ADFER A CHYNALIADWYEDD	
	Derbyniwyd adroddiad yn nodi'r cynnydd mewn perthynas â datblygu'r cynllun adfer a chynaliadwyedd. Wrth drafod yr adroddiad, codwyd y pwyntiau canlynol: Mewn ymateb i sylwadau gan Nuria Zolle, cadarnhaodd Siân Harrop-Griffiths fod yr amserlenni i gwblhau'r cynllun adfer a chynaliadwyedd yn heriol ond bod cryn dipyn o gefnogaeth gan gydweithwyr gweithredol. Yr her fwyaf oedd sicrhau digon o ymgysylltiad clinigol ac roedd gwaith yn dal i fynd yn ei flaen i gyflawni hyn. Dywedodd Pam Wenger y byddai cyfarfod arbennig y Bwrdd yn cael ei gynnal ar 16 Rhagfyr 2021 i gymeradwyo'r cynllun adfer a chynaliadwyedd.	
Penderfyniad:	- Dylid nodi'r adroddiad; - Cytunwyd y byddai'r cynllun adfer a chynaliadwyedd yn cael ei ystyried gan y Bwrdd ym mis Rhagfyr 2021.	
191/21	TROSGLWYDDO CYFLEUSTERAU PRAWF COVID-19 I SAFLE ARALL	
	Derbyniwyd adroddiad yn gofyn am gymeradwyaeth i drosglwyddo cyfleusterau profi Covid-19 i safle arall. Wrth gyflwyno'r adroddiad, eglurodd Darren Griffiths fod yr adroddiad yn gofyn am gytundeb y Bwrdd ar y contract diweddaraf ar gyfer	

	cyfleusterau profi Covid-19, gan gydnabod y safle newydd a bod y contract yn cael ei ymestyn i chwarter un 2022-23.	
Penderfyniad:	- Dylid cymeradwyo’r estyniad i’r contract ar gyfer 2021-22, gyda’r opsiwn i ymestyn am dri mis arall ar y pris hwn i’w ystyried yn chwarter pedwar.	
192/21	ADRODDIAD PERFFORMIAD	
	Derbyniwyd adroddiad perfformiad mis tri. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Ar ddiwrnod cyfarfod y Bwrdd, roedd achosion newydd o Covid-19 yn 50 y dydd, ac nid oeddent erioed wedi bod yn fwy na 100; - Roedd nifer y staff sy'n ynysu ar i lawr; - Roedd nifer y gwelyau lle'r oedd cleifion â'r feirws yn isel, gyda 18 o gleifion mewnol ar hyn o bryd; - Pe bai cynnydd yn nifer yr achosion o Covid-19, y risg fwyaf fyddai'r aflonyddwch posibl i wasanaethau eraill; - Oherwydd pwysau gweithredol parhaus, yr amser ymateb coch gan ambiwlansys oedd 62%, a oedd yn is na'r targed. Roedd yr arosiadau 12 awr a'r presenoldebau yn yr adran achosion brys wedi cynyddu, gyda'r perfformiad pedair awr yn 74.4%; - Ar ddiwrnod cyfarfod y Bwrdd, roedd 204 o gleifion a oedd yn ddigon iach yn feddygol i'w rhyddhau o'r ysbyty'n aros i gael eu rhyddhau; - Y perfformiad cyfredol ar gyfer y llwybr canser sengl oedd 64%; - Yn dilyn cymeradwyaeth y Bwrdd, gweithredwyd y fframwaith rheoli perfformiad ac roedd dau o'r gwasanaethau, sef y gwasanaeth canser yn Ysbyty Singleton a'r gwasanaeth gofal brys ac argyfwng yn Ysbyty Treforys, wedi'u huwchraddio i sefyllfa o fonitro gwell. Wrth drafod yr adroddiad, codwyd y pwyntiau canlynol: Dywedodd Reena Owen fod y Pwyllgor Perfformiad a Chyllid yn parhau i roi cymorth i wella metrigau perfformiad ar gyfer gofal	

	sylfaenol. Y gobaith oedd y byddai set fwy cynhwysfawr ar gael yn ystod y misoedd nesaf. Dywedodd Mark Hackett y byddai'r taflwybrau ar gyfer gofal wedi'i gynllunio, canser a gofal brys ac argyfwng yn cael eu rhannu gyda'r Bwrdd a'u monitro trwy'r adroddiad perfformiad, unwaith y byddent wedi'u cytuno. Yn y cynllun blynyddol, gwnaed ymrwymiad erbyn chwarter dau/tri i gyrraedd 75% yn y targed pedair awr ar gyfer yr adrannau brys, gan gyrraedd 85% erbyn mis Tachwedd 2021. Roedd perfformiad canser yn gwella ond wrth i'r achosion a oedd yn aros dros 62 diwrnod leihau, byddai perfformiad hefyd yn lleihau nes i'r ffocws ddychwelyd i'r rhai sy'n aros am lai o amser na'r cyfnod trothwy. Holodd Martyn Waygood pa gamau oedd yn cael eu cymryd i wella'r broses o frechu plant. Dywedodd Keith Reid fod rhaglenni fel hyn yn cael eu darparu gan wasanaethau gofal sylfaenol a oedd wedi bod yn gweithredu y tu ôl i ddrysau caeedig yn bennaf ar ddechrau'r pandemig, felly roedd mynediad wedi bod yn anodd. Roedd adroddiadau cenedlaethol yn dangos bod prydlondeb brechlynnau cynnar wedi cael eu heffeithio ond nid ar raddfa fawr. Bu oedi o ran brechu plant hyn, ond roedd hyn wedi gwella ac roedd y gwaith o adrodd am hyn yn y broses o ddal i fyny.	
Penderfyniad:	- Dylid nodi i'r adroddiad.	
193/21	ADRODDIAD CYLLID	
	Derbyniwyd adroddiad perfformiad ar gyfer mis tri. - Wrth gyflwyno'r adroddiad, tynnodd Darren Griffiths sylw at y pwyntiau canlynol: - Y sefyllfa ar gyfer mis tri oedd gorwariant o £6.1m, a oedd yn unol â'r targed o £6.08m, ac roedd hefyd yn unol â'r rhagolwg ar gyfer diwedd y flwyddyn; - Tybiwyd y byddai £120m o arian Covid-19 yn cael ei dderbyn trwy gydol y flwyddyn; - Nid oedd sefyllfa'r Grŵp Gwasanaeth Iechyd Meddwl ac Anableddau Dysgu ar y trywydd iawn oherwydd costau gofal iechyd parhaus, ond roedd cynllun ar waith i adfer hyn; - Roedd arbedion gwerth £48m wedi'u nodi yn erbyn y swm gofynnol o £27m;	

	- Roedd trafodaethau wedi cychwyn gyda'r grwpiau gwasanaeth am gynlluniau cynilo ar gyfer 2022-23. Roedd angen nodi o leiaf 50% erbyn Medi 2021; - Y rhagolwg ar gyfer chwarter dau oedd y byddai'r sefyllfa ariannol yn aros yn unol â'r targed.	
Penderfyniad:	- Dylid nodi'r adroddiad.	
194/21	CYNLLUN GWEITHREDU I WELLA EFFEITHIOLRWYDD Y BWRDD	
	Derbyniwyd adroddiad yn nodi canfyddiadau hunanasesiad y Bwrdd a gynhaliwyd ym mis Mai 2021, ynghyd â chynllun gweithredu arfaethedig. Wrth gyflwyno'r adroddiad, amlygodd Pam Wenger y pwyntiau canlynol: - Roedd y cynllun yn nodi'r camau arfaethedig i fynd i'r afael â chanfyddiadau hunanasesiad y Bwrdd; - Byddai cynnydd yn cael ei fonitro trwy'r Pwyllgor Archwilio fel rhan o'r rhaglen waith llywodraethu; - Roedd hefyd yn gyfle i gynnwys rhai o ganlyniadau sesiynau craffu a herio'r Bwrdd. Wrth drafod yr adroddiad, codwyd y pwyntiau canlynol: Dywedodd Emma Woollett fod buddion y sesiwn craffu a sicrwydd eisoes yn dechrau dod i'r amlwg ac y byddai hyn yn fuddiol yn ystod blwyddyn sy'n mynd i fod yn heriol. Byddai gwella effeithiolrwydd trafodaethau'r Bwrdd a'i waith craffu'n cefnogi'r sefydliad i gyflawni ei nodau. Dywedodd Reena Owen fod y Pwyllgor Perfformiad a Chyllid, o ganlyniad i'r sesiwn craffu a sicrwydd, yn nodi'r hyn roedd ei angen ym mhob un o'i adroddiadau, ac yn ystyried yn y cyfarfodydd a oedd hyn wedi'i gyflawni ac a oedd y cwestiynau wedi'u hateb. Roedd cyfathrebu'n allweddol ac roedd hyn yn sicrhau y gallai aelodau gael sicrwydd o'r adroddiadau a dderbyniwyd. Dywedodd Mark Hackett y byddai'n ddefnyddiol cael syniad ar y cyd o'r amrywiannau a lle roedd y Bwrdd eisiau bod ar ddiwedd y flwyddyn. Gan na ellid mynd i'r afael â phob maes ar unwaith, byddai o fudd gosod blaenoriaethau ar gyfer cyflawni'r nodau. Cytunodd Emma Woollett, gan ychwanegu y byddai hwn yn fater y byddai'r	



	Bwrdd yn canolbwyntio arno yn y diwrnod 'cwrdd i ffwrdd' ym mis Medi.	
Penderfyniad:	- Dylid cytuno ar y cynllun gweithredu arfaethedig.	
195/21	ADRODDIAD LLYWODRAETHU CORFFORAETHOL	
	Derbyniwyd a nodwyd adroddiad yn nodi materion llywodraethu corfforaethol i'r Bwrdd ei ystyried.	
196/21	UNRHYW FATER ARALL	
	Nid oedd unrhyw fater arall a daethpwyd â'r cyfarfod i ben.	
197/21	DYDDIAD Y CYFARFOD NESAF	
	Cadarnhawyd mai dyddiad y cyfarfod nesaf fyddai 7 Hydref 2021.	